



Terenga 5: Hōtaka 3 - Te pū 'Kua'

He Mihi

Kei ngā tōtōaireka, kei ngā kēkerematua o te wao kua tau mai anō ki tēnei peka o tō tātou rākau taumatua o te reo Māori. Rarau mai.

Hei Mahi Whakarongo

He rawe te whakarongo ki te reo o ngā kuia me ngā koroua e matatau ana ki te reo, ko rātou ngā tauira hei whai mā tātou e Māori ai te rere o te kōrero. Ko te kuia e haere ake nei tētehi o aua momo, he reo rōreka, he ngākau māhaki, he kaiako ātaahua. Anei ngā whakamārama a Kaa Williams mō tētehi whakataukī hei ārahi i te tangata.

Anei ngā pātai hei whakautu mā koutou:

1. He aha rā te whakataukī?
2. He aha te tikanga o te whakataukī?
3. He aha i pēnā ai ana whakamārama, ki ōu whakaaro?

He Whakamārama

I tēnei rā, e titiro ana ki ngā whakamahinga o te pū 'KUA'.

Kei pōhēhē he pū tēnei mō te wā kua hipa anahe. I ōna wā, he tohu tēnei pū, kua tīmata kē te mahi (ā-tinana, ā-whakaaro rānei) engari kāore anō kia oti. He pēnā anō te pū 'Ka' – ehara i te mea mō te wā heke anahe tērā pū. Tirohia ēnei tauira:

- 1) Kua kite au i tēnā kiriata. *I've seen that movie.*
- 2) Kua haere au. *I'm off. (Kāore anō kia wehe, engari e whakarite ana ki te wehe ākuanei)*
- 3) Āpōpō, kua mārama koe ki aku kōrero. *Tomorrow you'll understand what I'm saying.*

Anei ētehi whakakāhoretanga e hāngai ana ki te pū 'Kua':

- 1) Kua tae au ki tāwāhi. > Kāore anō au kia tae ki tāwāhi.
- 2) **Kua kore** au e haere. > *I'm not going anymore.*
- 3) **Kua kore** he tuna o tērā awa. > *There are no more eels in that river.*

He Mahi Ī-papa

Whakamāoritia te rerenga kei roto i te Ī-papa.

I'm not going to the concert anymore.

Hei Mahi

Whakamāoritia ēnei rerenga kōrero:

1. There is no more watercress in our river.
2. I'm not going to the wedding anymore.
3. There are no more dinosaurs on earth.
4. He's no longer able to lift heavy things.

Whakautu:

Mahi Ī-papa: Kua kore au e haere ki te konohete.

1. Kua kore he wātakirihi i tō mātou awa.
2. Kua kore au e haere ki te mārena.
3. Kua kore he mokonui i te mata o te whenua.
4. Kua kore e taea e ia te hiki ngā mea taumaha.